



**Broj/Broj: 02 –50 –1-67-24/'04
Sarajevo/Sarajevo, 21. 05.2004.god.**

ZAPISNIK

24. sjednice Doma naroda Parlamentarne skupštine Bosne i Hercegovine, održane 21. maja 2004.godine.

Sjednica je počela u 10,15 sati.

Sjednicom je predsjedavao Mustafa Pamuk, predsjedavajući Doma naroda Parlamentarne skupštine Bosne i Hercegovine.

Na sjednici je bilo 15 delegata.

Osim delegata, na sjednici Doma naroda bili su: predstavnici Vijeća ministara, predstavnici međunarodnih organizacija, pozvani gosti i predstavnici sredstava javnoga informisanja.

DNEVNI RED

1. Odgovori na delegatska pitanja i delegatska pitanja
2. Zapisnik 22. i 23. sjednice Doma naroda
3. Izbalansiranost kadrova u institucijama BiH
4. Plan rasporeda sjedišta institucija Bosne i Hercegovine
5. Informacija o sudbini 46-oro djece štíćenika Dječijeg doma "Ljubica Ivezić" odvedenih iz Sarajeva u Italiju 1992. godine
6. Izvještaj Zajedničke komisije o nastojanju za postizanje sporazuma o indentičnom tekstu Zakona o policijskim službenicima BiH
7. Potvrđivanje liste kandidata na generalske pozicije u institucijama odbrane BiH
8. Zahtjev Vijeća ministara za razmatranje Prijedloga zakona o izmjenama i dopunama Zakona o zaštiti potrošača po hitnom postupku u skladu sa članom 99. Poslovnika Doma naroda
9. Prijedlog zakona o Visokom sudskom i tužilačkom vijeću Bosne i Hercegovine – prvo čitanje
10. Prijedlog zakona o parničnom postupku pred Sudom Bosne i Hercegovine – prvo čitanje
11. Prijedlog okvirnog Zakona o zalozima – prvo čitanje
12. Prijedlog zakona o osnivanju Kompanije za prijenos električne energije – prvo čitanje
13. Prijedlog zakona o osnivanju nezavisnog operatora sistema za prijenosni sistem u Bosni i Hercegovini – prvo čitanje
14. Zahtjev za razmatranje Prijedloga zakona o dopunama Zakona o carinskoj tarifi Bosne i Hercegovine po članu 100. Poslovnika Doma naroda
15. Informacija o izdatim dozvolama za izvoz/uvoz naoružanja i vojne opreme u 2003.god.
16. Davanje saglasnosti za ratifikaciju Prvog amandman sporazuma kreditnom sporazumu između Bosne i Hercegovine i Evropske banke za obnovu i razvoj

17. Davanje saglasnosti za ratifikaciju Drugog amandman sporazuma kreditnom sporazumu između Bosne i Hercegovine i Evropske banke za obnovu i razvoj
18. Davanje saglasnosti za ratifikaciju sporazuma između Bosne i Hercegovine i Švajcarske Konfederacije o unapređenju i recipročnoj zaštiti investicija
19. Davanje saglasnosti za ratifikaciju sporazuma o znanstveno-tehničkoj saradnji između Vijeća ministara Bosne i Hercegovine i Vijeća ministara Srbije i Crne Gore
20. Davanje saglasnosti za ratifikaciju sporazuma između Vijeća ministara Bosne i Hercegovine i Vijeća ministara Srbije i Crne Gore o povratku izbjeglih lica iz Bosne i Hercegovine i Srbije i Crne Gore

Ad-1: Odgovori na delegatska pitanja i delegatska pitanja

U diskusiji su učestvovali: Boško Šiljegović, Tomislav Limov, Velimir Jukić i Hilmo Neimarlija

Odgovore na delegatska pitanja su dobili: Boško Šiljegović, Anto Spajić i Tomislav Limov

Delagat Anto Spajić nije zadovoljan odgovorom dok je Boško Šiljegović djelimično zadovoljan

Delegati su postavili sljedeća pitanja:

Delegat Ilija Filipović

“Šta Kolegij Sekretarijata Parlamentarne skupštine BiH namjerava preduzeti na otkrivanju državnih službenika u stručnim službama Sekretarijata Parlamentarne skupštine BiH, kao i utvrditi njihove disciplinske, tj. kaznene odgovornosti za curenje informacija iz službi još dok traje priprema za određena tijela Parlamentarne skupštine BiH”

Delegat Osman Brka

Šta je uradilo Vijeće ministara BiH, Ministarstvo sigurnosti BiH, Ministarstvo unutrašnjih poslova FBiH, Ministarstvo unutrašnjih poslova Hercegovačko Neretvanskog kantona u otkrivanju i kažnjavanju počinitelaca kamenovanja Bošnjačke djece koja su bila na eskurziji u Neumu 5.03.2004. godine, kojom prilikom su povređene Berina Hajdarević i Amila Šehović, kojima je pomoć ukazana tek u Mostaru?.

Delegat Hilmo Neimarlija

Od Kolegija Doma naroda tražim odgovor na pitanje:, “ko je odgovoran za izgled zgrade Parlamenta i ko treba dati nalog da se sporedna ulazna vrata ne Parlamentarnoj skupštini drže zatvorena bez korištenja lanca, katanca i daske”.

Ad-2: Zapisnik 22. i 23. sjednice Doma naroda

Diskusija nije vođena

Dom naroda jednoglasno je usvojio zapisnik sa 22. i 23. sjednice

Ad-3: Izbalansiranost kadrova u institucijama BiH

U diskusiji su učestvovali: generalni tajnik Vijeća ministara, Ivan Čosić, Vinko Radovanović, Hasan Čengi i Niko Grubešić, predstavnik Vijeća ministara

Nakon diskusije i kojoj je učestvovao generalni sekretar Ivan Čosić, Dom naroda jednoglasno je donio odluku da ovu tačku razmatra na sljedećoj sjednici kada Vijeće ministara dostavi kompletnu informaciju vezanu za izbalansiranost kadrova u institucijama BiH

Ad-4: Plan rasporeda sjedišta institucija Bosne i Hercegovine

U diskusiji su učestvovali: Tomislav Limov, Hasan Čengić, Vinko Radovanović, Velimir Jukić i Hilmo Neimarlija

Dom naroda jednoglasno je usvojio sljedeći zaključak:

«Dom naroda Parlamentarne skupštine Bosne i Hercegovine obavezuje Vijeće ministara da u roku od mjesec dana sačini prijedlog kriterija za određivanje sjedišta institucija Bosne i Hercegovine uzimajući u obzir političke, socijalne, ekonomske, teritorijalne i funkcionalne činioce.

Ad-5: Informacija o sudbini 46-oro djece šticeenika Dječijeg doma "Ljubica Ivezić" odvedenih iz Sarajeva u Italiju 1992. godine

U diskusiji su učestvovali: Tomislav Limov, Hasan Čengić, Boško Šiljegović, Ilija Filipović, Osman Brka, Zoran Spasojević i Branko Zrno

Dom naroda jednoglasno je usvojio sljedeće zaključke kojima se obavezuju mjerodavna tijela Institucija Bosne i Hercegovine na poduzimanju konkretnih aktivnosti u rasvetljavanju okolnosti sprečavanja povratka šticeenika Dječijeg doma iz Sarajeva odvedenih 1992. godine u Italiju

1. Dom naroda Parlamentarne skupštine Bosne i Hercegovine obavezuje Vijeće ministara da u roku od 30 dana dostavi cjelovitu Informaciju o sudbini 46-oro djece šticeenika Dječijeg doma u Sarajevu odvedenih 1992. godine,
2. Dom naroda traži od Predsjedništva BiH i Vijeća ministara, odnosno Ministarstva vanjskih poslova BiH, da putem diplomatske note i drugih oblika diplomatske djelatnosti od Vlade Republike Italije zahtjevaju razrešenje svih relevantnih pitanja vezanih za sudbinu rečene djece, te da o poduzetim aktivnostima u roku od najdalje tri mjeseca izvjestite Dom naroda Parlamentarne skupštine BiH,
3. Dom naroda Parlamentarne skupštine Bosne i Hercegovine obavezuje Vijeće ministara BiH da hitno upotrijebi sve pravne mehanizme kojima će se pred italijanskim Sudom za maloljetnike u Milanu zaustaviti proces usvajanja 15-oro još uvijek maloljetne djece, odnosno pravne lijekove kojima će se pred odgovarajućim italijanskim sudskim instancama osporiti sve odluke Suda u Milanu kojima je bez predhodnog pristanka roditelja izvršeno usvajanje preostale djece iz predmetne skupine,
4. Dom naroda obavezuje Vijeće ministara BiH da putem tužiteljstva i druge mjerodavne institucije za provedbu zakona bude provedena temeljita istraga i da se utvrdi, eventualna, kaznena i drugi oblici odgovornosti za državne dužnosnike i službenike, kao i ostale osobe uključene u sveukupnu aktivnost, koji su, činjenjem ili nečinjenjem, osobno odgovorni zbog toga što države Bosne i Hercegovina i Italija nisu, u skladu sa članom 11. stav 1. Konvencije o pravu djeteta, osigurale vraćanje djece iz inostranstva,
5. Dom naroda Parlamentarne skupštine BiH obavezuje sve mjerodavne državne institucije BiH da u kontaktima s vlastima republike Italije osiguraju konkretne podatke vezane za sudbinu pojedinačno svakog od 46-oro djece, kao što, primjerice, adrese, imena usvojitelja, upoznavanje djece s činjenicom da u Bosni i Hercegovini žive njihovi roditelji i rodbina i sl., te da u slučaju da sveukupna aktivnost ne donese odgovarajuće rezultate Institucije Bosne i Hercegovine upotrebe sve modalitete pravne zaštite, uključujući i pokretanje međunarodno pravnog spora protiv vlasti Republike Italije

Ad-6: Izvještaj Zajedničke komisije o nastojanju za postizanje sporazuma o identičnom tekstu Zakona o policijskim službenicima BiH

Diskusija nije vođena

Dom naroda jednoglasno je usvojio Izvještaj Zajedničke komisije oba doma o postizanju sporazuma o identičnom tekstu Zakona o policijskim službenicima BiH.

Ad-7: Potvrđivanje liste kandidata na generalske pozicije u institucijama odbrane BiH

U diskusiji su učestvovali: Branko Zrno, Nikola Radovanović, ministar odbrane, Boško Šiljegović, Tomislav Limov, Goran Milojević, Mustafa Pamik, Velimir Jukić i Halid Genjac

Dom naroda jednoglasno je potvrdio listu kandidata na generalske pozicije uz sljedeći zaključak:

Potvrđuju se imenovanja svih kandidata na generalske pozicije uz napomenu da za Sakiba Forića, Klub srpskih poslanika traži od Ministarstva odbrane BiH da putem Generalnog inspektorata SFOR-a, izvrši dodatnu provjeru o navodima objavljenim u sredstvima informisanja Republike Srpske u kojima Dragan Lalović postavlja pitanje sudbine nestalog oca Mitra i ostalih srba iz Dobrinjske ulice u Sarajevu juna 1992. godine, zašto smatra odgovornim Sakiba Forića.

Ad-8: Zahtjev Vijeća ministara za razmatranje Prijedloga zakona o izmjenama i dopunama Zakona o zaštiti potrošača po hitnom postupku u skladu sa članom 99. Poslovnika Doma naroda

Diskusija nije vođena

Dom naroda jednoglasno je usvojio zahtjev za razmatranje po članu 99. Poslovnika Doma naroda Prijedlog zakona o izmjenama i dopunama Zakona o zaštiti potrošača

Ad-9: Prijedlog zakona o Visokom sudskom i tužilačkom vijeću Bosne i Hercegovine – prvo čitanje

Diskusija nije vođena

Dom naroda jednoglasno je usvojio u prvom i drugom čitanju Prijedlog zakona o Visokom sudskom i tužilačkom vijeću Bosne i Hercegovine u istovjetnom tekstu kao i na Predstavničkom domu

Ad-10: Prijedlog zakona o parničnom postupku pred Sudom Bosne i Hercegovine – prvo čitanje

Diskusija nije vođena

Dom naroda jednoglasno je usvojio u prvom i drugom čitanju Prijedlog zakona o parničnom postupku pred Sudom Bosni i Hercegovini u istovjetnom tekstu kao i na Predstavničkom domu

Ad-11: Prijedlog okvirnog Zakona o zalozima – prvo čitanje

U diskusiji su učestvovali: Niko Grubešić, predstavnik predlagača, Halid Genjac, Velimir Jukić i Ilija Filipović

Dom naroda jednoglasno je usvojio u prvom i drugom čitanju Prijedlog okvirnog Zakona o zalozima sa sljedećim amandmanima tako da je Zakon usvojen u istovjetnom tekstu kao i na Predstavničkom domu

Amandman I

Na kraju člana 18. dodaje se novi stav koji glasi:

«Registar zaloga sa podacima mora biti dnevno dostupan zainteresiranim građanima u ministarstvima pravde entiteta, što će biti uređeno posebnim aktom

Amandman II

Član 38. mijenja se i glasi:

“U slučaju da je ovaj zakon u suprotnosti sa drugim zakonom u Bosni i Hercegovini, primjenjivat će se ovaj zakon”.

Ad-12: Prijedlog zakona o osnivanju Kompanije za prijenos električne energije – prvo čitanje

U diskusiji su učestvovali: Nade Radović, Halid Genjac I Ilija Filipović

Dom naroda usvojio je u prvom i drugom čitanju Prijedlog zakona o osnivanju Kompanije za prijenos električne energije sa sljedećim amandmanima:

Amandman I

U članu 2. na početku stava 3. dodaje se tekst. “Osim uz predhodno odobrenje DERK-a,”

U članu 2. na kraju stava 4. dodaje se tekst. “ili koje nisu vezane za prijenos su sljedeći:”

U članu 2. stav 4.1. iza riječi energija dodaje se tekst: “osim ukoliko ne postoji veoma jaki dokazi da je obavljenje te djelatnosti u interesu korisnika i dioničara te da je korist za korisnika i dioničara veća od rizika nekonkurentnog uticaja na tržište”

U članu 2. iza stava 4.1. dodaje se stav 4.2. koji glasi: “Kompanija može obavljati druge poslovne djelatnosti, uključujući bilo koje djelatnosti vezane za prijenos ili djelatnost koje nisu vezane za prijenos ukoliko postoji dokaz da su te djelatnosti u interesu korisnika I dioničara”.

Amandman II

U članu 3. tačka 10. se mijenja i glasi:

“-Proizvodna trafostanica- znači objekat u kojem se povećava i reguliše napon električne energije nakon proizvodnje kako bi se omogućio efikasan prijenos električne energije, i sastoji se od blok transformatora, pomoćnog transformatora i njihove pripadajuće rasklopne i kontrolne/zaštitne opreme”

Amandman III

U članu 5. u stavu 2. briše se tekst. “Upravni odbor elektroprivreda u BiH uz saglasnost entitetskih vlada odobrili za prijenos prema rokovima utvrđenim ovim zakonom” i zamjenjuje sljedećim tekstom:

“nezavisni član Upravnog odbora odobrio za prijenos”

Amandman IV

U članu 5. u tački 4. briše se zadnja rečenica koja glasi:

“Mjesto razgraničenja između proizvodne kompanije i Kompanije za prijenos su izlazni portali dalekovoda, odnosno vodovi preko kojih se isporučuje električna energija u prenosni sistem”, a iza riječi “energija” dolazi novi tekst koji glasi:

“do ali ne uključujući prijenosne vodove koji povezuju proizvodne trafostanice sa prijenosnim sistemom, dok će vodovi prijenosa biti prenosni na Kompaniju”

Amandman V

U članu 5. tačka 6. dio teksta prve rečenice koji glasi: “funkcionisanje elektroenergetskog sistema BiH” se zamjenjuje sljedećim tekstom:

“sistem prenosa električne energije”

Amandman VI

U članu 10. u tačkama 1. i 2. brisati adrese sjedišta entiteta.

Amandman VII

U članu 20. tačka 3. mijenja se i glasi: “Uprava”

Amandman VIII

U članu 26. iza riječi: “rukovodi” nastavak teksta treba brisati i dodati tekst koji glasi:

“Uprava koju čini Generalni direktor i dva izvršna direktora i koji su iz različitih konstitutivnih naroda.

Odgovornost i način rada Uprave uređuju sa Statutom i pravilnicima”

Amandman IX

U članu 27. tačka e) iza riječi: “direktora” dodati riječi: “i na njegov prijedlog izvršnih direktora”

Amandman X

U članu 29. tačka 1. na kraju teksta umjesto “tačke” staviti “zarez” i dodati riječi:

“uz ravnopravnu zastupljenost konstitutivnih naroda u BiH”

tačka 2. - riječi: “entitetski premijeri” zamjeniti riječima: “vlada entiteta”

tačka 4. – riječ “Premijer” zamjeniti riječju: “Vlada”

tačka 5, a, b, c, d. – riječ “Premijer” zamjeniti riječju “Vlada”

Amandman XI

U članu 45. dodaje se stav 2. koji glasi:

“Generalni direktir ne može biti iz istog konstitutivnog naroda kao i predsjednik Upravnog Odbora”

Kako su Dom naroda i Predstavnički dom usvojili Zakon u različitom tekstu iz Doma naroda imenovani su Ilija Filipović, Halid Genjac i Nade Radović za članove komisije za usaglašavanje teksta Zakona.

Ad-13: Prijedlog zakona o osnivanju nezavisnog operatora sistema za prijenosni sistem u Bosni i Hercegovini – prvo čitanje

U diskusiji su učestvovali: Ilija Filipović, Hilmo Neimarlija, Velimir Jukić, Halid Genjac, Boško Šiljegović i ministar Doko

Dom naroda većinom glasova usvojio je u prvom i drugom čitanju Prijedlog zakona o osnivanju nezavisnog operatora sistema za prijenosni sistem u Bosni i Hercegovini sa sljedećim amandmanom:

Amandman I

U članu 4. stav 2. se mijenja i glasi:

«Sjedište NOS-a je u Sarajevu»

Amandman II

U članu 17. alineja 2. mijenja se i glasi:”Uprava”

Amandman III

U članu 23. tačka 3. iza riječi: “direktora” treba dodati tekst

“i na njegov prijedlog, izvršnih direktora”

Amandman IV

U članu 25. tačka 1. na kraju teksta umjesto “tačke” staviti “zarez” i dodati riječi:

“uz ravnopravnu zastupljenost konstitutivnih naroda u BiH”

U tački 2. riječi: “entitetski premjeri” zamjeniti riječima: “vlade entiteta”

U tački 4. riječ: “Premjer” zamjeniti riječju “Vlada”

U tački 5. a), b), c), i d) riječ: “Premjer” zamjeniti riječju “Vlada”

Amandman V

U članu 31.a “UPRAVA NOS-a”

“Upravu NOS-a čini Generalni direktor i dva izvršna direktora i koji su iz različitih konstitutivnih naroda.

Odgovornost i način rada Uprave uređuje se Statutom i pravilnicima NOS-a

Amandman VI

U članu 32. dodaje se stav 2. koji glasi:

“Generalni direktor i predsjednik Upravnog odbora ne mogu biti iz istog konstitutivnog naroda”

Amandman VII

U članu 33. stav 2. mijenja se i glasi:

“U rukovođenju i upravljanju poslovanjem NOS-a, Generalnom direktoru pomažu izvršni direktori”

Kako su Dom naroda i Predstavnički dom usvojili Zakon u različitom tekstu iz Doma naroda imenovani su Halid Genjac, Nade Radović i Tomislav Limov za članove komisije za usaglašavanje teksta Zakona.

Ad-14: Zahtjev za razmatranje Prijedloga zakona o dopunama Zakona o carinskoj tarifi Bosne i Hercegovine po članu 100. Poslovnika Doma naroda

U diskusiji je učestvovao Vinko Radovanović

Dom naroda jednoglasno je odložio za jednu od narednih sjednica razmatranje Prijedloga zakona o dopunama Zakona o carinskoj tarifi Bosne i Hercegovine po članu 100. Poslovnika Doma naroda.

Ad-15: Informacija o izdatim dozvolama za izvoz/uvoz naoružanja i vojne opreme u 2003.god.

U diskusiji su učestvovali: Branko Zrno i Doko

Dom naroda jednoglasno je primio k znanju Informaciju o izdatim dozvolama za izvoz/uvoz naoružanja i vojne opreme u 2003.god.

Ad-16: Davanje saglasnosti za ratifikaciju Prvog amandman sporazuma kreditnom sporazumu između Bosne i Hercegovine i Evropske banke za obnovu i razvoj

U diskusiji je učestvovao Hasan Čengić

Dom naroda je jednoglasno dao saglasnost za ratifikaciju Prvog amandman sporazuma kreditnom sporazumu između Bosne i Hercegovine i Evropske banke za obnovu i razvoj

Ad-17: Davanje saglasnosti za ratifikaciju Drugog amandman sporazuma kreditnom sporazumu između Bosne i Hercegovine i Evropske banke za obnovu i razvoj

U diskusiji je učestvovao Hasan Čengić

Dom naroda je jednoglasno dao saglasnost za ratifikaciju Drugog amandman sporazuma kreditnom sporazumu između Bosne i Hercegovine i Evropske banke za obnovu i razvoj

Ad-18: Davanje saglasnosti za ratifikaciju sporazuma između Bosne i Hercegovine i Švajcarske Konfederacije o unapređenju i recipročnoj zaštiti investicija

U diskusiji je učestvovao Hasan Čengić

Dom naroda je jednoglasno dao saglasnost za ratifikaciju sporazuma između Bosne i Hercegovine i Švajcarske Konfederacije o unapređenju i recipročnoj zaštiti investicija

Ad-19: Davanje saglasnosti za ratifikaciju sporazuma o znanstveno-tehničkoj saradnji između Vijeća ministara Bosne i Hercegovine i Vijeća ministara Srbije i Crne Gore

U diskusiji je učestvovao Hasan Čengić

Dom naroda je jednoglasno dao saglasnost za ratifikaciju sporazuma o znanstveno-tehničkoj saradnji između Vijeća ministara Bosne i Hercegovine i Vijeća ministara Srbije i Crne Gore

Ad-20: Davanje saglasnosti za ratifikaciju sporazuma između Vijeća ministara Bosne i Hercegovine i Vijeća ministara Srbije i Crne Gore o povratku izbjeglih lica iz Bosne i Hercegovine i Srbije i Crne Gore

U diskusiji je učestvovao Ilija Filipović

Dom naroda je jednoglasno dao saglasnost za ratifikaciju sporazuma između Vijeća ministara Bosne i Hercegovine i Vijeća ministara Srbije i Crne Gore o povratku izbjeglih lica iz Bosne i Hercegovine i Srbije i Crne Gore

Sjednica je završena u 18,00 sati.

Sastavni dio ovog zapisnika je neautorizovani transkript sjednice.

SEKRETAR
DOMA NARODA
Jadranko Tomić

PREDSJEDAVAJUĆI
DOMA NARODA
Mustafa Pamuk